



羊士諤集卷上

五言古詩

小園春至偶呈吏部竇郎中孟賁外

松篠雖苦節冰霜慘其間欣然發佳色如喜

東風還幽抱想前躅冥鴻度南山春臺一以

眺達士亦解顏偃息非老圃沉吟闕玄關馳

暉忽復失壯歲不得閒君子當濟物丹梯難

共拔心期自有約去掃蒼苔斑

九月十日郡樓獨酌



掾史當授衣郡中稀物役嘉辰悵已失殘菊
誰爲惜軒一罇泛天景洞虛碧暮節獨賞
心寒江鳴湍石歸期北州里舊友東山客飄
蕩雲海深相思桂花白

題枇杷樹

珍樹寒始花氛氲九秋月佳期若有待芳意
常無絕嫋嫋碧海風濛濛綠枝雪急景自餘
妍春禽幸流悅

齋中有獸皮茵偶成詠

逸才豈凡獸服猛愚人得山澤生異姿蒙茸
蔚佳色青氈持與藉重錦裁爲飾卧閣幸相
宜温然承宴息

野夫採鞭于東山偶得元者

追風豈無策持斧有遐想鳳去留孤根巖懸
非朽壤苔斑自天生玉節垂雲長勿謂山之
幽丹梯亦可上

息舟荆溪入陽羨南山遊善權寺呈

李功曹巨

結纜蘭渚曉柴車上連崗晏溫值初霽去遶
山河長獻歲冰雪盡細泉生路傍行披煙杉
入激澗橫石梁層閣表精廬飛甍切雲翔冲
襟得高步清眺極遠方潭嶂積佳氣萸萸多
早芳具觀澤國秀重使春心傷念遵煩促途
榮利騫隙光勉君脫冠意共匿無何鄉

五言律詩

早春對雨

南館垂楊早東風細雨頻輕寒消玉笋幽賞

滯朱輪千里巴江守三年故國春含情非遲
客懸榻但生塵

永寧小園即事

蕭條梧竹下秋物映園廬宿雨方燃桂朝饑
更摘蔬陰苔生白石時菊覆清渠陳力當何
事忘言愧道書

故蕭尚書癭栢齋前五莖樹與王起
居吏部孟員外同賞

栢竊開何時瑤華自滿枝天清凝積素風

動芬絲留步蒼苔暗停觴白日遲因吟茂陵
草幽賞待妍詞

和蕭侍御監祭白帝城西村寺齋沐
覽鏡有懷吏部孟員外

晚沐金仙宰迎秋白帝祠軒裳煩吏職風物
動心期清鏡開塵匣華簪指髮絲南官月高
步歲晏豈磷緇

送張郎中副使自南省赴鳳翔府幕
仙郎佐氏謀廷議寵元侯城郭須來貢河隍

亦順流亞夫高壘靜充國大田秋當奮燕然
筆銘功向隴頭

和竇吏部雪中寓直

瑞花飄朔雪灑氣滿南宮迢遞層城掩徘徊
午夜中金閨通藉恨銀燭直廬空誰問烏臺
客家山憶桂叢

酬吏部竇郎中直夜見寄

解巾侍雲陛三命早為郎復少雕龍彩旋歸
振鷺行玉書期養素金印懷黃茲夕南宮

詠遊情愧不忘

登樂遊原寄司封孟郎中盧補闕

爽節時清眺秋懷悵獨過神皋值宿雨曲水
已增波白鳥凌風迥紅渠濯露多伊川有歸
思君子復如何

閒齋示道者

幽蘭誰復奏閑匣以端憂知止慙先覺歸歟
想故侯山蟬鈴閣晚江雨麥田秋唯有空門
學相期老一丘

南池落花

蟬噪城溝水芙蓉忽已繁紅花迷越艷芳意
過湘沅湛露宜清暑披香正滿軒朝朝祗自
賞穠李亦何言

郡中翫月寄江南李少尹虞部孟員

外三首

月滿自高丘江通無狹流軒窓開到曉風物
坐含秋鵲警銀河斷蛩悲翠幕幽清光望不
極耿耿下西樓

桂華臨洛浦如挹李膺仙
茲夕披雲望還吟
擲地篇鳳池分直夜
牛渚泛舟年會是風流
賞惟君內史賢

圓景曠佳賓徘徊夜漏頻
金波徒汎酒瑤瑟
已生塵露白移長簾
風清掛幅巾西園舊才
子想見洛陽人

郡樓晴望二首

霽色朝雲盡亭臬露亦晞
寒開臨曲檻蕭瑟
換輕衣地遠秦人望
天晴社燕飛無功慙歲

晚唯念故山歸

一雨晴山郭驚秋碧
樹風蘭卮誰與薦玉旆
自無惊雲景嘶賓鴈
嵐陰露彩虹閑吟懶
閑閣旦夕郡樓中

燕居

秋齋膏沐暇旭日照軒墀
露重芭蕉葉香
橘抽枝簡書隨吏散
寶騎與僧期報國得何
力流年已覺衰

寄黔府竇中丞

漢臣旌節貴萬里護祥河夏日天無暑秋風
水不波朝衣蟠艾綬戎幕偃雕戈滿歲歸龍
闕良哉佇作歌

書樓懷古

何獨文翁化風流與代深泉雲無舊轍騷雅
有遺音遠日窮巴漢閒情閱古今忘言意不
極日暮但橫琴

暮秋言懷

城隅凝綵畫紅樹帶青山遲客金罇晚談空
玉柄閑馳暉三峽水旅夢百勞關非是淮陽
薄丘中只望還

上元日紫極宮門觀州民燃燈

山郭通衢隘瑤壇紫府深燈花助春意舞綬
織歡心閑似淮陽卧恭聞樂職吟唯將聖明
化聊以達飛沉

西郊蘭若

雲天宜北戶塔廟似西方林下僧無事江清
日復長石泉盈掬冷山實滿枝香寂寞傳心

印玄言亦已忘

在郡三年今秋見白髮聊以書事

二毛非騎省朝鏡忽秋風
絲縷寒衣上霜華
舊簡中承明那足厭車服
媿無功日日山城
守淹留巖桂叢

山寺題壁

物外真何事幽廊步不窮
一燈心法在三世
影堂空山果青苔上寒蟬
落葉中歸來還閉
閣棠樹幾秋風

暇日適值澄霽江亭遊宴

碧落風如洗清光鏡不分
絃歌方對酒山谷
盡無雲振卧淮陽病悲秋
宋玉文今來強携
妓醉舞石榴裙

玩槿花

何乃詩人興妍詞屬舜華
風流感異代窈窕
比同車凝艷垂清露驚秋
隔絳紗蟬鳴復蟲
思惆悵竹陰斜

守郡累年俄及知命聊以言志

南國疑逋客東山作老夫登朝非大隱出谷
是真愚氣直慙龍劍心清愛玉壺聊持循吏
傳早晚為徒

東渡早梅一樹歲華如雪酣賞成詠
暇日留事期雲亦開鄉心持歲酒津下
賞山梅晚實和高鼎濃香拂壽杯唯應招北
客日日踏青來

雨中寒食

令節逢煙雨園亭但掩關佳人宿粧薄芳樹
綵繩閒歸思偏消酒春寒為近山花枝不可
見別恨灞陵間

晚夏郡中卧疾

事外心如寄虛齋卧更幽微風生白羽畏日
隔青油用拙懷歸去沉疴畏借留東山自有
計蓬鬢莫先秋

酬盧司門晚夏過永寧里弊居林亭

見寄

自歎淮陽卧誰知去國心幽亭來北戶高韻

得南金苔甃窺泉少
監輿愛竹深
風蟬一清暑應喜脫朝簪

山郭風雨朝霽悵然秋思

桐竹離披曉涼風似故園
驚秋對旭日感物坐前軒
江燕飛還盡山榴落尚繁
平生信有意衰久已忘言

南館林塘

郡閣山斜對風煙隔短墻
清池如寫月珍樹盡凌霜
行藥知無悶加餐頗自強
心期空歲

晚魚意久相忘

臘夜對酒

琥珀杯中物瓊枝席上人
樂聲方助醉燭影已含春
自顧行將老何辭坐達晨
傳觴稱厚德不問吐車茵

池上搆小山詠懷

玉立出巖石風清曲
偶成聊近意靜對想凝神
牛渚中流月蘭亭上道
春古來心可見寂寞為斯人

林塘臘候

南國冰霜晚年華暗已歸閑招別館客遠念
故山薇野艇虛還觸籠禽倦更飛忘言亦何
事酣賞步清輝

酬禮部崔員外備獨未寧里弊居見

寄來詩云圖書鎖塵閣符節守山城
守土親巴俗腰章漢儀春行樂職詠秋感
伴牢詞舊里藏書閣閒門閉槿籬遙暫退朝
客下馬獨相思

梁國惠康公主挽歌詞二首

湯沐成塵跡山林遂寂寥鵲飛應織素鳳起
獨吹簫玉殿中參罷雲輶上漢遙皇情非不
極空輟未央朝

授冊榮天使陳詩感聖恩河山啓京國縞素
及于門泉向金卮咽霜來玉樹繁都人聽哀
挽淚盡望寒原

南池晨望

起來林上月瀟灑故人情鈴閣人何事蓮塘

晚獨行衣沾竹露爽茶對石泉清鼓吹前賢
薄群蛙試一鳴

林館避暑

池島清陰裏無人泛酒船山綢金奏響荷露
水精圓靜勝朝還暮幽觀白已玄家林正如
此何事賦歸田

襄城驛池塘翫月

夜長秋始半圓景麗銀河北渚清光溢西山
爽氣多鶴飛聞墜露魚戲見增波千里家林

望涼颺換綠蘿

資陽郡中詠懷

腰章非達士閉閣是潛夫匣劍寧求試籠禽
但自拘江渚鎮酒熟步兵厨唯此前賢
意風流似不孤

寒食宴城北山池即故郡守祭陽鄭

綱自為折柳亭

別館青山郭遊人折柳行落花經上巳細雨
帶清明鷓鴣流芳暗鶯鶯曲水平歸心何處

醉寶瑟有餘聲

酬彭州蕭使君秋中言懷

右職移青綬雄藩拜紫泥江回玉壘下氣爽
錦城匹阜鶴驚秋律琴鳥怨夜啼離居罔舍
念宿昔奉金閨

資中早春

一雨東風晚山鷲獨報春淹留巫峽夢惆悵
洛陽人柳意籠丹檻梅香覆錦茵年華行可
惜瑤瑟莫生塵

郡樓懷長安親友

殘暑三巴地沉陰八月天氣昏高閣雨夢倦
下簾眠愁髮華簪小歸心社燕前相思杜陵
野溝水獨潺湲

羊士諤集卷下

五言排律

和武相早朝中書候傳點書懷奉呈
殿省祕清曉夔龍升紫微星辰拱帝座劍履
翊天機耿耿金波缺沉沉玉漏稀綵箋蹲鸞
獸畫扇列名翬志業丹青重恩華雨露霏三
台昭建極一德慶垂衣昌運瞻文教雄圖本
武威殊勳如帶遠佳氣似煙非抗節衷無隱
同心尚弼違良哉致君日維岳有光輝

永寧里園亭休沐悵然成詠

雲景含初夏休歸曲陌深幽簾宜永日珍樹
始清陰遲客唯長簾忘言有匣琴葦披靈物
態書見古人心芳草多留步鮮飈自滿襟勞
形非立事瀟灑愧頭簪

朝元初嚴黃門自京兆少尹貶牧巴
郡以長才英氣固多暇日每遊郡之
東山山側精舍有盤石細泉䟽浮杯
之勝苔深樹老蒼然遺躅士諤謬因

出守得繼茲賞乃賦詩十四韻刻于

石壁

石座雙峰古雲泉九曲深寂寥䟽鑿意蕪沒
歲時侵繞席流還壅浮杯咽復沉追懷王謝
侶更似會稽岑誰謂天池翼相期澤畔吟光
輝輕尺璧然諾重黃金幾醉東山妓長懸北
闕心蕙蘭留雜珮桃李相華簪閑閣余何事
鳴騶亦屢尋軒裳遵徃轍風景憇中林橫吹
多妻調安歌送好音初筵方側弁故老忽沾

襟盛世當弘濟平生諒所欽無能愧陳力惆
悵拂瑤琴

郡中端居有懷袁州王員外使君

憶作同門友承明奉直廬禁闈人自異休澣
跡非踈蚪筆金華殿三朝玉璽書恩光榮侍
從文彩應符餘青眼真和我玄談愧起予蘭
卮招促膝松砌引長裾麗日流鶯早涼天墜
露初前山臨紫閣曲水眺紅蕖誰爲音塵曠
俄驚歲月除風波移故轍符守忽離居濟物
陰功在分憂盛業餘弱翁方大用延首遲雙
魚

郡齋讀經

壯齡非濟物柔翰悟爲儒及此齋心暇翛然
與道俱散材誠獨善正覺豈無徒半偈蓮生
水幽香桂滿鑪息陰慙蔽芾講義得醍醐跡
似桃源客身攬竹使符華夷參史事巴漢混
州圖偃草懷君子移風念嗇夫翳桑俄有績
宿麥復盈租圓寔期超詣凋殘幸已蘇解空

囊不智減景谷何愚幾日遵歸轍東菑始欲
燕

題郡南山光福寺寺即嚴黃門所置
時自給事中京兆少尹出寺年三十
性樂山水故老云每旬數至後分闡
川州門有去思碑即郅拾遺之詞也
傳聞黃閣守茲地賦長沙少壯稱時傑功名
惜歲華巖廊初建列賓從亟鳴笳玉帳空巖
道甘棠見野花碑殘猶墮淚城古自歸鴉籍

籍清風在懷人諒不遐

巴南郡齋雨中偶看長曆是日小雪
有懷昔年朝謁因成八韻

夷落朝雲候王正小雪辰緬懷朝紫陌曾是
灑朱輪氣耿簪裾肅風嚴刻漏頻暗飛金馬
仗寒舞玉京塵豸角隨中憲龍池列近臣
珠凝瑞彩玄圃淨華茵帝澤千箱慶天顏萬
物春明猶咫尺高詠愧巴人

七言律詩

郡中即事

曉風山郭鴈飛初
霜拂回塘水樹虛
鼓角清明如戰壘
梧桐搖落似貧居
青門遠憶中人
產白首間看太史
書城下秋江寒見
底賓筵莫訝食無
魚

遊郭駙馬大安山池

馬嘶芳草自淹留
別館何人屬細侯
仙杏破顏逢醉客
綵鴛飛去避行舟
洞簫日暖移賓榻
垂柳風多掩妓樓
坐閱清暉不知暮
煙橫

北渚水悠悠

春日朝罷呈臺中僚友

退食鷓行振羽儀
九霄雙闕迥參差
雲披綵仗春風度
日暖香堦晝刻移
玉樹籠煙鷓鵲
觀石渠流水鳳凰
池時清執法慙無
事未有長陽漢主
知

州民有獻杏者瑰麗溢目因感花未
幾聊以成詠

南郭東風賞杏壇
幾株芳樹昨留歡
却憶落

花飄綺席忽驚如實滿雕盤蛾眉半歛千金
薄初鳴百草間志士古來悲節換美人
啼鳥亦長嘆

西川獨孤侍御見寄七言四韻一來
為郡翰墨都捐逮此酬答誠乖拙速
百雉層城上將壇川榮西照雪峰寒文章立
事須銘鼎談笑論功耻據鞍草檄青油推健
筆曳裙黃閣聳危冠雙金未比三千字負弩
空慙知者難

都城從事蕭員外寄海梨花詩盡綺
麗至惠然遠及

珠履行臺擁附蟬外郎高步似神仙陳詞今
見唐風盛從事遙瞻衛國賢擲地好詞凌綵
筆浣花春水膩魚箋東山芳意須同賞子看
囊盛幾日傳

郡中言懷寄西川蕭員外

功名無力愧勤王已近終南得草堂身外盡
歸天竺偈腰間惟有會稽章何時臘酒逢山

客可惜梅枝亞石牀
歲晚我知仙客意
懸心應在白雲鄉

郡齋感物寄長安親友

晴天春意併無窮
過臘江樓日日風
瓊樹花香故人別
蘭卮酒色去年同
閑吟鈴閣巴歌裏
回首神皋瑞氣中
自愧朝衣猶在篋
歸來應是白頭翁

五言絕句

城隍廟賽雨二首

雲雨慰斯人
齋心薦綠蘋
山風簫鼓響
如祭敬亭神
積潤通千里
推誠奠一卮
回飈經畫壁
忽似偃雲旗

初移琪樹

受此丘中物
煙霞盡日看
無窮碧雲意
更助綠窓寒

七言絕句

臺中寓直晨覽蕭侍御壁畫山水

蟲思庭莎白露天微風吹竹曉淒然今來始
悞朝回客暗寫歸心向石泉

過三鄉望女几山早歲有卜築之志
女几山頭春雪消路傍仙杏發柔條心思欲
去知何日惆悵回車上野橋

和李都官郎中經宮人斜

翡翠無窮掩夜泉猶疑一半作神仙秋來還
照長門月珠露寒花是野田

山閣聞笛

臨風玉管吹參差山塢春深日又遲李白桃
紅滿城郭馬融閒卧望京師

登樓

槐柳蕭疎遶郡城夜添山雨作江聲秋風南
陌無車馬獨上高樓故國情

憶江南舊遊二首

山陰道上桂花初王謝風流滿晉書曾作江
南步從事秋來還復憶鱸魚

曲水三春弄綵毫樟亭八月弄觀濤金壘義

醉烏程酒鶴舫閑吟把蟹螯

郡中即事二首

紅衣落盡暗香殘
葉上秋光白露寒
越女含情已無限
莫教長袖倚欄杆
登臨何事見瓊枝
白露寒花自繞籬
惟有樓中好山色
稻畦殘水入秋池

野望二首

萋萋麥隴杏花風
好是行春野望中
日暮不辭停五馬
鴛鴦飛去綠江空

忘懷不使海鷗疑
水映桃花酒滿卮
亭上一聲歌白苧
野人歸棹亦行遲

遊西山蘭若

路傍垂柳古今情
春草春泉咽又生
借問山僧好風景
看花攜酒幾人行

沈舟入後溪

雨餘芳草淨沙塵
水綠灘平一帶春
惟有啼鶻似留客
桃花深處更無人

看花

一到花間一忘歸
玉杯瑤瑟減光輝
歌筵更覆青油幕
忽似朝靈飛

春望

莫問華簪髮已斑
歸心滿目是青山
獨上層城倚危檻
柳營春盡馬嘶閑

寄江陵韓少尹

別來玄髮共成霜
雲起無心出帝鄉
蜀國魚箋數行字
憶君秋夢過高唐

賀州宴行營回將

九劔盈庭酒滿卮
戍人歸日及瓜時
元戎靜鎮無邊事
還向偃畫旗

王起居獨遊青龍寺翫紅葉因寄

千畝蒼苔遶畫廊
幾枝紅樹過青霜
高情還似看花去
閒對南山步夕陽

夜聽琵琶三首

掩柳危絃咽又通
朔雲邊月想朦朧
當時誰佩將軍印
長使蛾眉怨不窮

一曲徘徊星漢稀
夜闌幽怨重依依
忽似縱

金來上馬南枝棲鳥盡驚飛
破撥聲繁恨已長低鬟歛黛更摧藏潺湲隴
水聽難盡併覺風沙繞杏梁

彭州蕭使君出妓夜宴見送

玉顏紅燭忽驚春微步凌波暗拂塵自是當
歌歛眉黛不應惆悵為行人

寄裴校書

登高何處見瓊枝白露黃花自繞籬惟有樓
中好山色稻畦殘水入秋池

題松江館

津柳江風白浪平棹移高館古今情扁舟一
去鷗夷子應笑分符計日程

偶題寄獨孤使君

病起淮陽自有時秋來未覺長年悲坐逢在
日唯相望嫋嫋涼風滿桂枝

泛後溪

雨餘芳草淨沙塵水綠灘平色帶春唯有啼
鶻似留客桃花深處更無人

永寧里小園與沈校書接近悵然題
寄

故里心期柰別何
手移芳樹憶庭柯
東臯黍熟君應醉
梨葉初紅白露多

齋中詠懷

無心唯有白雲知
閑卧高齋夢蝶時
不覺東風過寒食
雨來萱草出巴籬

登郡前山

洛陽歸客滯巴東
處處山櫻雪滿叢
峴首當

時為風景豈將官舍作池籠

客有自渠州來說常諫議使君故事

悵然成詠

才子長沙暫左遷
能將意氣慰當年
至今猶有東山妓
長使歌詩被管絃

赴資陽經嶓重使疲人感漢水所出

元祐三年已授此官

寧辭舊路駕朱轡
重使疲人感漢恩
今日鳴騶到嶓峽
還勝博望至河源

羊士諤集卷下終



